

GYDELCRA

REVISTA SOCIAL Y DEPORTIVA

PUBLICA' PA
HANDELSONDERNEMING
GYDELCRA

Anja 1. No. 9

OCTOBER 1945

Editor:

Num. suelto fls. 0,75

Walter A. Cras

Abono Fls. 8 - pa anja

CURAÇAO, A.H.

Oranjestraat 68



JUSTICIA A VENCE

JUSTITIA AVANCE.

S.E.L. MADURO & Sons Inc.

Willemstad, Curacao, A. H.

Establecí na 1837

Telefoon No. 1200

PRODUCTOS DI PETROLEO:

Agente di:

Shell Petroleum Company

Standard Oil Co. of New Jersey

DEPARTAMENTO DI TRANSPORTE MARITIMO Y AEREO:

Grace Line, Alcoa Line, Harrison Line,

New Zealand Line, Shaw Saville Lines, etc.

K. L. M. y Pan American Airways Inc.

Tur informacion tocante biaha y pasashi pa

tur parti di mundo, pa vapor of aeroplano.

MATERIAL DI CONSTRUCCION

Tur sorto di palu, cement, heru pa con-

struccion, Mosaicos, Eternit, etc. etc. etc.

VENTA POR MAYOR DI ROM Y OTROS LICORES

ASEGURO:

Contra incendio, di bida, di compensacion

pa trahador.


AGENTES COMISIONISTA:

Representante di varios firma extranhera

OFICINA DI COMPRA NA MERCA

Selma Mercantile Corporation

24 State street, New-York.



PUBLICA' PA
HANDELSONDERNEMING
GYDELCRA

CONTENIDO

1. Portada.
2. Noticia Extranjera.
3. Noticia Local.
4. Deporte.
5. Nota Social.

Anja 1

— No. 9

PA SPORT

Rackets, shirts.
shorts, y keds

PA REGALO

Un bonita sur-
tido jegá for di
ECUADOR

PA HOMBER

Flus, zapato
camisa, faha
sombre etc.

PA TOCADOR

Colonia, Talco,
Pomada Pasta,
y sceiro pa diente

EL CHICO

Jossy Capriles & Co

Breede straat 33 Tel 1514

Portada

P A Z

**Fin di Gera Mundial Cu Capi-
tulacion di Japon.**

Bao di un ceremonia, cu a tu-
ma lugar **Dia Sabra dia 1 di
September** abordo di e vapor
americano di gera „**Missouri**“,
Japon a firma capitulacion.

Cu firmamento di e documen-
tonan di rendicion aki e gera di
mas grandi i terrible di mundo
a caba.

Despues di es ceremonia Ge-
neral **Douglas MacArthur** a diri-
gi'e na henter mundo diciendo:
„Paz a ser restableci na mundo.
Dios laga Paz sigi reina semper“.

Generaal MacArthur, e prin-
cipal actor den e escena drama-
tico aki, tabata sinti un satisfac-
cion personal masha grandi du-
rante es momento historico.

I tambe derrota di Japon ta-
bata un triunfo personal pa Mac
Arthur.

No solamente el a cumpli cu
su palabra: „Lo mi regresa“ ex-
clama e dia fatal cu e mester a
bandona Corregidor, pero el a
pone Japon hinca rodilla i pidi
perdon.

Paz, den sentido di matamento i destruccion, a caba pero a-
wor a keda e problemanan crea
pa gera cu nos mester afronta.
Cuanto di e promesanan haci
durante gera lo ser cumpli?
Cuanto di nos jiunan i esposon-
nan lo bolbe cas? Esaki ta Dios
lo sabi.

Enfin cu gera a caba ta un he-
cho. Paz ta reina atrobe i tur o-
tro cos ta di menos importancia.
Pasobra ya ta **14** anja caba cu
mundo ta na gera cuminzando
na **Manchuria** i continuando na
Ethiopia, China, Europa, Africa,
Asia i Pacifico i costando bida
di mas di 23.000.000 di hende.

Nos gera cu Japon a cumin-
za dia **7 di December di 1941**
cu bombardeamento di **Pearl**
Harbor.

Dia **2 di Januari di 1942** Japo-
nesnan a ocupa **Manila** i Mac-
Arthur mester a bati retirada pa
Bataan.

Dia **11 di Januari** nan a invadi
Borneo i Celebes, dia **20** **Burma**
i dia **22** **Nieuw Guinea.**

— **Februari 15** — **Singapur** ta
cai.

— **Februari 27** — **Japonesnan** ta
derrota un flota Aliado den **Mar**
di Java.

— **Maart 8** — **Rangun** ta cai.

— **Maart 16** — **Trupanan Ameri-**
cano ta baha na **Australia.**

No ta propaganda
Sino ta loke pueblo ta
bisa: Ta un Ron tin pa
CUBA LIBRE

RON PALAU

Bon smaak i di alta calidad

No lubida cu

Ron Palau ta recomen-
da pa un bon **Cocktail**

J. A. J. SPROCK AGENTE. Werfstraat 42 Tel. 2448

**SERVICIO
FACILIDAD
y VENTAHA**

Ta loke bo ta hanja ora
bo jama

TEL. 1739



Corda cu nos ta en-
trega bo Kerosine na
cas cuanto cu bo ta
desea

GALMEYER & Co

CERRITO No. 5

— **Maart 17** — MacArthur ta je-
ga Australia for di **Corregidor**.

— **April 12** — **Bataan** ta cai

— **April 18** — General **Doolittle**
ta bombardea Tokio.

— **Mei 8** — Japonenan ta sufri
nan promer derrota na batalla
naval di **Mar Coral**.

— **Mei 16** — **Corregidor** ta cai.

— **Juni 4** — Japonenan ta perde
4 portavion, 2 crucero i 3 destruc-
tor na **Batalla di Midway**.

— **November 15** — Nan ta perde
28 vapor di gera den **Mar di So-
lomon** cerca di **Guadalcanal**.

Dia **28 di Januari di 1943** Mac-
Arthur ta destrui **15.000** Japonen
na **Nieuw Guinea**.

Dia **10 di Januari di 1944**. E
ta cuminza cohe isla pa isla ri-
ba su camina cu lo hib'e Islanan
Filipina i Japon.

Juni 23 — Promer batalla di
Mar Filipino. Japonenan, ta per-
de **747** aeroplano i **30** barco.

October 20 — MacArthur ta
bolbe na Islanan Filipina baha-
do riba isla di **Leyte**.

November 24 — E aeroplano-
nan di gera grandi **B-29** ta cu-
minza ta bombardea Japon.

Dia **24 di Februari di 1945** Ma-
nila ta ser liberta.

Augustus 5 — Un bom atomico
ta cai riba **Hiroshima**. E bom a-
ki i e hecho cu **Rusia** ta decla-
ra Japon gera dia **8** ta demora-
liza Japonenan.

Inesperadamente **Dia Viernes dia 10 di Augustus** President Truman di Merca ta ricibi un despacho for di Tokio den cual Gobierno Japonés ta notifica cu e ta dispuesto pa ecepta e condicionnan dicidi na **Potsdam dia 26 di Juli.**

Na conferencia di Potsdam **China, Inglatera i Merca** a haci un declaracion ofreciendo e condicionnan cu cual Japon por caba gera.

E condicionnan:

- **Entrega incondicional.**
- **Japon por tin industria pero no militar.**
- **E por tin un propio Gobierno**

pero no di militarnan.

— Lo e consisti di e 4 islanan grandi (**Kyushu, Shikoku, Honshu i Hokkaido**) cu ta e propio Japon.

Entrega incondicional ta nifica cu tan pronto Japon acepta capitulacion e autorisacion pa goberna estado di emperador (Hirohito) i Gobierno tu sujeto na e **Comandante Sepremo Aliado** (MacArthur).

Manera MacArthur a bisa Dios laga Pas reina semper na mundo. Ta lastima cu e arquitecto di e paz aki, Franklin Delano Roosevelt, no tabata na mundo pa e por a mira fruto di su trabao.

USA SEMPER BAYRUM

SAN JUAN

ALCOHOLADO

LA REINA

Corda cu cerca nos bo ta hanja Sigar marca **MACHADO** di alta calidad.

HUBERT SALAS & CO.

Keukenstraat 22
Telefoon 1564



MUZIEK DI MAESTRO-
 NAN RIBA DISCO
 VICTOR I BLUEBIRD.

A caba di jega un
 surtido grandi di
 disconan Latino-
 americano i Album
 di hot jazz.

Tambe Album di dis-
 conan clasico.

Haci bo compra pro-
 mer cu nan caba.

IEL
 LOUVRE
 S.A.

P. O. Box No. 138

Tel. 2087. Heerenstraat.

Noticia Extranjera

VICTORIA DI CHINA.

Ningun nacion tabatin mas de-
 recho di celebra fin di gera ma-
 nera **China**.

Despues di **8 anja** di sufrimen-
 to e gran nacion aki di
450.000.000 di hende ta donjo di
 nan mes cas atrobe.

Gera di China cu Japon a cu-
 minza dia **7 di Juli di 1937** cu e
 incidente na **Brug di Marco Polo**.
 Pues China tabata e nacion cu
 tabata na gera mas tanto cu tur
 otro.


E 8 anjanan di gera tabata
 anjanan masha duro pa China.
 El a perde durante es tempo mil-
 lares di milla di terreno i mil-
 lones di hende. El a sufri **triste-
 za, inauduacion, hamber, pobre-
 za, bloqueo e inflacion**.

Cu bo studia historia di Chi-
 neesnan bo ta sabi cu nan civili-
 zacion a cumenza **4.000** anja pa-
 sa.

E ta cumenza cu **Chu Yuang-
 Chang**, fundador di dinastia di
Ming durante siglo 14.

Despues a bini **Republica Chi-
 nees** funda pa **Dr. Sun-Yat-Sen**.

China ta un nacion di **campe-
 sinonan (85%) tienderonan, pa-
 triarcanan, filosofonan e inte-
 lectuales**. E filosofo mas famoso
 di China ta **Confucius**.



E Mehor Direccion
Pa Bon Bril
ta

SPRITZER



FUHRMANN

Tur Sorto i Color di e Me-
hor Glasnan i Geraamte di
bril.

SPRITZER



FUHRMANN

Heerenstraat & Breedestraat.
Telefoon Nos. 1511 - 1811

Un escena tipico Chinees ta
jen di bida i boroto: un estudian-
te, un solda, un culi, un muher
haciendo compra, un muher du-
nado su jiu lechi. Enfin un gentio
di hende papiando, camnando,
pasando meimei di e tiendanan
riba calla i bebemento di te den
un cas di te.

Chineesnan ta un rasa masha
trahador, decente, hospitalitario
cu semper a ser explota barbaram-
mente.

Awor cu gera a caba Chinees-
nan por bolbe na un bida normal
atrobe. Nan por bolbe bai traha
nan cunucunan cu tranquilidad,
atende nan tiendanan, come nan
arroz i soppi di nesji di para i cu-
minza scirbi poësia atrobe.

Colonia Chinees na Curaçao a
celebra dia di Victoria cu un op-
tocht disfrazada riba calla. Esaki
tabata tipico Chinees i masha bu-
nita.

Anochi mas o menos 2 mil in-
vitado a jena salanan i patio di
Consulado Chinees.

Aki a tuma lugar un di e fies-
tanan di mas bon organiza.

Nos promer Magistrado Dr.
Kasteel i Señora tabata presente
tambe Cuerpo Consular i autori-
dadanan civil i militar.

Culiminacion di fiesta tabata
e discurso di un jui muher di nos
amigo Luis Lei cu tabata lo si-
guinte:

Your Excellency,
Your Honour — Honourable Members of the Consular Corps,
Ladies and Gentlemen:

Eight years of hard struggle, eight years of constant war have come to an end and again Peace reigns in Our Beloved China, the land of our fathers and their forebears.

It is, therefore, only natural and comprehensible that we, the second generation of the Chinese Colony, are present tonight to render tribute of homage to the glorious soldiers and the people of China for their brilliant performance during those horrible years and the exceedingly heroic manner in which they opposed the Japanese invasion.

We are sure, that the blood shed on Chinese soil, the tears and sweat of so valiant a people will not be sacrificed in vain China will rise again to the glories and the prestige of the past. History will stand to testify!

Having been united with the Motherland in hours of peril and sufferings, we are here now to rejoice with her in the hour of final liberation and freedom. Let freedom ring to all corners of the world, to all places where Chinese families are bound in spirit with all of us to celebrate this memorable and blissful event.

I feel it as an exceptionally great honour to represent all Chinese in Curaçao and to offer to you, Your Honour, this bouquet of white flowers as the tangible and living token of the Peace which reigns in China and as the expression of our ardent congratulations with the greatest of favours bestowed upon our people: Your and Our China.



Señorita America Ley.

Gote tai chung wa ming cok
man suiel man man suiel.

Tai tai q sin le.

大 哉 華 戎
大 萬 民 地 慶
勝 萬 國 大 祝
利 哉 萬 中

Our great people will be
great, very great for many years
to come.

Na Consul Chinees, representante di e gran chinees Generalissimo **Chiang K'ai-shek**, kende a tene e 450.000.000 di Chineesnan uni pa nan por tabatin forza pa bringa tirania, i tur Chinees nos pabien sincero.

— : —

ELECCION NA INGLATERA. ERA DI HOMBER CHIKITO

Winston Churchill no ta Promer Ministro di Inglatera mas. Den ultimo eleccion cu a caba di tuma lugar su partido, Conservativo, a ser derrota pa **Laboristanan**.

Awor lo bo pensa ta di con un homber tan popular manera Churchill cu a tuma mando den e situacion critica di gera i cu a juda masha pa Inglatera sali victorioso por a sufri un derrota asina.

Personalmente te ainda e ta e homber mas popular na Inglatera i pueblo ta masha agradecido pa tur loque el a haci pa su patria. Pero ta e partido Conservativo, cual e ta representa pueblo no kier mas. Nan kier un Gobierno di pueblo no un Gobierno di aristocratico.

Pueblo Ingles cu a bringa i sufri tanto cansa di biba malo.

Inglesnan kier pa nan Gobierno duna nan e comodidadnan

Pa obtene mehor resultado,
usa semper

PRODUCTOS

• **GRIFFIN** •

Pasta GRIFFIN,, A.B.C."

— : —

I esun cu kier gana tempo,
ta usa

Griffin „LIQUID WAX"

e liquido cu ta lombra zapato manera spiel

— : —

GRIFFIN „ALWHITE"

pa limpa tur sorto di zapato blanco no tin mester di recomendación, di venta na tur caminda

— : —

Distribuidores :

**E. & G.
MARTIJN**

**Tel. 2442
Awa Sal di Punda**

necesario pa un bida moderno i mehor manera e Gobierno di Merca ta duna su subditanan.

Ta p'esei ora cu nan a bai vota nan a vota pa **mehor cas di bida, mehor bisti, automobiel, fabricacion di productonan na masa,** manera refrigeradora radio etc., **mas placa pa gasta i seguridad social.** Enfin na a vota pa tur facilidadnan moderno, pa goza di algun di e frutonan di capitalismo.

I tur e cosnan aki ta mira di e Gobierno Laborista.

Pa cuminza nan lo nacionaliza Banco di Inglatera, despues nan lo haci mescos cu minanan di carbon, electricidad, staal i transportacion.

E Gobierno Laborista ta constiti di hombernan cu semper a bringa pa duna hombernan chikito e comodidadnan aki.

Promer Ministro ta **Clement R. Attlee,** un homber siendo e mes di familia rico pero mirando cu pueblo ta carece di comodidadnan moderno a sali como su campeon.

Bo ta spaar tempo, awa
y jabon is bo larga nos
LABA STRIKA
y **DRY CLEAN**



Aparatonan ultra moderno ta pone nos na condicion di por duna bo e **MEHOR** servicio

AMERICAN DRY CLEANING
HENDRIKPLEIN TELEFON 2212

LAVANDERIA LIMVERS
GROOT KWARTIER TELEFON 1715

SIMON LIMVERS

Noticia Local

NOS PADERNAN DOMINICANO

11 di Juli di 1870 — 11 di Juli di 1945.

„Considerando cu Broedernan di bo Orden lo ta e luchadornan di religion i berdadera luznan di mundo, Nos ta confirma bo Orden hunto cu tur su biennan i posesionnan i derechonan bao di Nos bista i Nos proteccion.”

Asina Papa Honorius III a scirbi na anja 1216 i **San Dominicus**, fundador di e famoso **Orden Predicadornan** a rondon'e cu algun pader pa realiza e sonjo di es Papa.

Mira di e padernan aki ta di **santifica nan mes, practica saber i predica palabranan di Dios.**


Pueblo di Curaçao ta orgulloso i agradecido di por a goza di e labornan aki i dia **11 di Juli** el a celebra cu entusiasmo e dia cu **75 anja** pasa **Padernan Dominicano** a jega Curaçao pa cuminza cu nan tarea na bienestar di nos islanan.

Na anja **1824** Curaçao tabata conto cu **15.000** alma catolico. Aruba cu **5.000** i **Bonaire** cu **4.000**. Pa tur e catoliconan aki solamente tabatin un Misa na Curaçao: **Misa di Santa Anna**. Aruba tabatin dos: **Santa Anna**

COOPERATIEVE VEREENIGING & NIJVERHEID


BREEDESTRAAT

No. 47 Telefon 2287



Durante mas di
37 anja nos ta
bende articulo-
nan di metal i
glas di primera
calidad.

Cualquier cos cu
bo mester pa cas
nos por ofrece
bo.



PRIJS BARATA

na Noord i **Misa di San Francis-**
na Oranjestad. Bonaire tabatin
un Misa traha di palo di maishi.

Den e situacion critica aki a
jega dos pader for di Amsterdam.
Nan tabata: **Martinus J. Nie-**
windt i **B. Eysenbeil**, E promer a
bira Pastoor i e otro su kapelaan.

Nunca Curaçao a conoce un
homber mas grandi cu **Mgr. Nie-**
windt. Ta imposible comenta tur
loque el a haci pa nos islanan i
pueblo.

Na anja 1842 el a ser nombra
Obispo Titular di Cytrum i **Vica-**
rio Apostolico di Curaçao. I na
anja 1860 cu el a muri Curaçao
tabata conta cu 6 misa, Aruba cu
3, Bonaire cu 2 i Islanan Ariba

cada uno cu 1.

Tabatin 24 misionario pa
25.600 alma i hasta el a funda
un seminario na Barber.

Tambe tabatin 11 school pa
duna sinjanza na rico i pober
unda 46 Soeur tabata sinja mu-
chanan.

Pero enfermonan tambe no a
ser lubida. Cu ajuda di **Mgr.**
F.C. Kieckens, otro bienhechor cu
nos mester lubida nunca, el a tre-
ce **Zusternan di Breda**, kende a
cuminza cu un hospitaal chikito
cu awor ta e famoso **St. Elisa-**
beth's Gasthuis.

Sucesor di Mgr. Niewindt taba-
ta **Mgr. Kistenmaker**. Esaki a bai
te Roma bai pidi Papa Pio IX pa

IPAIBST!

E mehor cervez basha y bebi Sin igual
E nomber cu ta papia p'e mes. E cervez
cu ta satisface. Pa bo fiesta.

J. E. MAURICIO
AGENTE EXCLUSIVO

BREDESTRAAT (O) – TELEFOON 2237

manda Padernan Dominicano Curaçao.

Era di Padernan Dominicano a cuminza dia **11 di Juli di 1870** cu binimento di **Mgr. P. van Ewijk**, tercer Vicario Apostolico di Curaçao i e **promer** di Orden di Dominicanonan.

Pueblo di Curaçao a ricibi'e i Padernan **R. Schrauwen** i **H. Bergmans** i Broeder **J. M. Köller** cu alegria.

Na **December di 1886** **Mgr. H. J. C. van Reijnen** a ser bendiciona Obispo na Misa di Pietermaai como sucesor di **Mgr. van Ewijk** kende a muri es anja.

Morto a kita **Mgr. van Reijnen** for di nos na **Mei di 1887** i el a ser sucedi pa **Mgr. H. A. M. Joosten**.

Mgr. Joosten a muri despues di a goberna Vicariato durante **9** anja.

Su sucesor tabata **Mgr. Ambr. J. J. van Baars**.

Na anja **1910** nos a hanja e **quinto** Vicario Apostolico di Orden di Predicadornan e tan popular **Mgr. M. G. Vuylsteke** kende durante **20** anja a traha sin cansa pa Curaçao.

Pero alegria di Curaçao a jega na su colmo dia cu Venerable Pader **P. I. Verriet** a ser consagra como Obispo i nombra Vicario Apostolico.

For di **1900** e tabata na Curaçao i tur hende tabata conoce Pastoor **Verriet** trahando na va-

VITAMINA Y HERO

Ta loke bo ta hanja
ora bo tuma

„VITA-
MIGHT“

DE VENTA NA

A. D. CAPRILES
& Co

ORANJESTRAAT 68
TELEFON 2040

rios parochia. E tabata redactor di „Amigo di Curaçao” i „La Union” i tambe el a juda funda „R. K. Volksbond.”

Te awor e ta nos Obispo stima i nos ta spera cu lo e keda biba hopi anja mas meimei di nos pa e muestra nos e camina na Dios.

Loque Padernan Dominicano a haci pa Curaçao i pa pueblo ta inpagable.

Ademas di a juda nos spiritualmente nan a percursa pa nos hanje un bon educacion pa nos por ta bon equipa pa busca nos derecho i ser algo den sociedad.

Mgr. Niewindt a percursa pa Soernan di Roosendaal bini.

Nan a funda **St. Martinusgesticht** riba Brionplein i tambe un internaat na **Welgelegen**. Despues **Zusternan di Schijndel** a bini kende a tuma weeshuis over cu awor ta na Santa Rosa.

Manera nos a bisa caba e **Zusternan di Breda** a tuma riba nan cuidadmento di hende malo te awor cu nan tin na nan encargo „**Hospitaal St. Elisabeth**”, „**Zaquito**” i **Rustoord**”.

Na anja **1885 St. Jozefschool** a ser abri na Pietermaai. Pader H. Reijnen, cu despues a bira Obispo, tabata ademas di pader moestro aki. E mes anja **Mgr. Dr. M. Baralt** cu judanza di maestro **Huyken** a cuminsa un

MUEBLERIA

Prinsenstraat 49-82 Telefon No. 1652

Ta juda bo muebla bo cas cu smaak i tambe ta duna bo conseho valioso pa bo dorna bo cas.

CUALES

COMESTIBLES CUALES

Columbusstraat No. 8 Telef. No. 1155

Por surti bo cushina cu tur sorto di comestibles na un prijs masha barata.

Bishita tur dos establecimiento

school pa enseñanza progresivo. Pader **Lud. Jansen** a bini for di Holanda cu tres maestro mas: **A. Maanen, F. v. d. Donk** i **Chr. Gijzen**.

Asina situacion di schoolnan pa mucha homber tabata **13 November di 1886** dia cu **Mgr. Kieckens** a bini Curaçao cu **3 Frater di Tilburg**. Anja siguiente nan a bira un internaat jama **St. Thomas College**.

Hopi homber famoso nativo i extranhero a goza di nan educacion aki.

Pader **Lud. Jansen** a pone e promer piedra pa bida di sociedad. E ta fundador di **Sociedad San Jose** na Pietermaai. Su sucesornan Pader **Poiez** i Pader **v. d. Pavert** a sigi cu su trabao i ta Pader v. d. Pavert a funda **Coöperatieve vereniging en Nijverheid**.

Padernan a percursa tambe pa un bon **Prensa** i na anja **1884** a sali „**Amigoe di Curaçao**” cu Pader **J. Onderwater** como promer redactor. Despues a sigi „**La Cruz**” i „**La Union**”.


Pues e celebracion cu a cuminza cu un Misa di Mucha Dia Razon mainta i cu a culmina cu un desfile dilante di e padernan jubilante ta un demostracion palpable con agradecido pueblo di Curaçao ta pa loque Padernan Dominicano a haci p'e.

Sobre las cumbres i en todo momento !



PONCHE
CREMA
Y

BRANDY
IMPERIAL



Productos
Emirrapra



Distribuidores :
R. M. Sint - Jago.

Telefono 1814.
Handelskade No. 22
Curaçao.

Pa e fiestanan aki a bini for di Porto Rico Muyvenerable Pader **H. Oorsprong. Vicario Provincial di Padernan Dominicano** na Porto Rico. For di Venezuela a bini Muyvenerable Pastoor **John Schonewolf.**

Papa a manda su representante tambe den persona di **Mgr. Paolo Bertoli, Encargo interin di Santa Cede** na Haiti i Santa Domingo.

Fraternan tambe a traha masha duro pa haci e celebracion un exito.

Entre dignitarionan cu tabata presente na e multitud di cere-

monianan cu a tuma lugar tabata: Su Excelencia Gouverneur cu Señora M. Kasteel-Baltussen i junan, miembronan di Cuerpo Consular, miembronan di Staten, Jueznan i Autoridadnan Militar.

Atrobe e pueblo agradecido di Curaçao cu a juda Padernan Dominicano celebra e fiesta tan grandi ta felicita Su Excelencia Mgr. P. I. Verriet, Muyvenerable Pader J. A. v. d. Veen Zeppenfeldt i tur Venerable Pastoornan i Padernan riba e dia di nan Jubileo.

Dios bendiciona nos padernan.

LEONARD ARCHER

C.A.E., M.A.T.S., A.M.A.I.A.
TECHNICAL EXPERT

DAMPLEIN

TEL. 1572

Aki nos tin luna di October atrobe

1945	OCTOBER					1945
D	L	M	M	J	V	S
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31			

di e luna

aki i di tur

otro luna.

falta tecnico

drecha tur

Larga Archer

HEROË CURAZOLEÑO

Cu 28 anja di edad a muri, den um campo di concentracion, nos compatriota **George J. L. Maduro**, otro victima di Nazinan.

E hoben balente aki a tuma parti den e lucha di 5 dia promer cu Holanda a cai. E tabata luitenant den ejercito Holandes.



George Maduro. †

El a distingui'e luchando cu tanto balor e iniciativa cu el a ser decora cu **Willemsorde** militar.

Despues cu Alemannan a cohe preso el a ser saca for di prison cu masha trabao pero tratando di sali for di Europa via Francia el a bolbe cai den nan man cu resultado fatal.

Triunfe en sus fiestas!

Obseduielos con el famoso.


IRON

EL

TRIUNFO

Un Producto

EMIRRAPRA



Distribuidores:

R. M. SINT - JAGO

Telefono 1814

Handelskade 22

Curaçao.

ATTEN!CIÓN



RON FAVORITO TÏN PREFERENCIA

A. D. NIEUW

Telefon 1711

Kerkstraat

Jossy L. Maduro i esposa ken-
de actualmente ta biba na New-
York ta mayornan di es hoben
balente.

Nos ta spera cu demas fa-
milia i amistadnan cu George a
muri como un heroë dunando
su bida hoben pa su patria.

Otro martir.

Tambe nos a hanja sabi cu a
muri **dia 10 di Mei di 1940** na
Holanda defendiendo su patria,
e hoben Charles Debrot.

E hoben martir aki a nace na
Curaçao na anja 1918 i e tabata
na Holanda for di **Mei di 1931**.



Dia cu el a cai como victima
di tirania di Nazismo e tabatin
mas o menos un anja den ser-
vicio militar .

Familia Debrot por ta orgullo-
so di por conta cu un heroe en-
tre su miembronan.

Deber sagrado di Curaçao.

Ya ta di tres martir caba cu a
duna nan bida pa patria i pa
un causa justo. Esta **Segundo**
(Boy) Ecury, George Maduro i
Charles Debrot.

Ta imposible pa e hobennan
aki ricibi e honor cu ta toca nan
den e bida aki. Pero si ta nos
deber di honra nan inmortaliz-
zando nan hechonan heroico. Pa-
sabr nan a duna e cos di mas
precioso, nan bida, pa nos biba
den un mundo liber.



Sergando (Boy) Ecury

Ademas nan mester sirbi como
ehemplo pa e futuro generacion.

Ta p'esei nos kier implora e comision cu ta designa pa duna callanan number na Curaçao, den number di pueblo, **di dunc 3 calla number di es martirnan.**

Toch ta existi hopi calla cu ta hiba un number cu no ta nifica nada manera: Breedestraat. Hasta ni ancho (breed) e calla aki no ta. I asina tin hopi otro cu un number pa nan hecho heroico

Pues ta deber sagrado di es comision di honra nos heroënan nacional dunando 3 calla nan number pa nan hecho heroico keda den memoria di e futuro generacion.

Nos ta spera cu e miembronan di es comision, como patriota

lo sabi di cumpli cu nan deber

Partera Lous Comvalius.

Cu un recepcion masha elegante Señorita **Lous C. Comvalius** a recorda e dia feliz cu 15 anja pasa el a ser nombra como **Partera di Gobierno.**

Un numero grandi di hende tabatin e honor di atende e recepcion aki. Entre nan tabatin personanan agradecido cu a jega di goza di e tratonan bon profesional i social di Señorita Lous.

Lous C. Comvalius a studia na **School di Medicina di Paramaribo, Suriname.**

Despues cu el a gradua el a bini Curaçao i tur e 15 anjanan

CLICHENAN TUR CU SEMPER
TA SALI DEN „GYDELCRA” TA
PRODUCTO DI





Lous Comvalius.

el a pasa meimei di nos judando
mamanan cu su saber profesio-
nal di dia i anochi. Ki ora cu
el a ser jama e tabata dispuesto
pa sali un vez pa juda trece chi-
kitonan riba mundo. I despues
semper e ta sigi bishita e hogar
feliz pa mira con e recien naci
ta pasando.

Pueblo di Curaçao ta felicita
Señorita Lous i ta spera cu lo e
sigi goza hopi anja mas di servi-
un partera tan cariñoso i compe-
tente.

**MONSEIGNEUR VERRIET I PAS-
TOOR VAN DEN ELSEN.**

Su Exc. Mgr. P. I. Verriet
O. P. a recorda dia 15 di Au-



Esaki

ta

bo adres

pa un

portret

bon

acaba

gusto e dia cu 40 anja pasa el a ricibi **Orden Sacerdotal**.


Riba e gran dia aki nos mester a recorda su bon cualidanan di **Tata Protector** i **Bon Wardador**.

Esakinan el a logra pa su Volksbond, su Union, su bida di

sociedad. Nos mester recorda su persona simpatico, semper dispuesto pa discubri i aprecia bondad di hende. Su persona simpatico cu ta pon'e den e condicion di vence tur sorto di obstaculo. Su personalidad cu ta inspira su Padernan, Fraternalnan i Soeurnan.

¡ATENCIÓN!

IMPRESA GYDELCRA



Sibo TA DESEA ALGO NECHI y NA TEMPO haci uso di nos Servicio pasobra nos trabao ta bon acaba y nos ta cumpli cu nos promesa.

Nos tin un bunita surtido di Tarjeta di Bishita, Invitacion, Bautizo etc.

Pa mas informe.

Helena de Castro

La Colombiana

Wilhelminaplein

Walter A. Cras

Oranjestraat 68

TEL 2040

Curaçao ta felicita Monseigneur riba es dia grandi cu e ta recorda 40 anje dedica na Dios i bienestar di hende.

Mgr. Petrus Inocentius Verriet O. P. a nace 4 di November di 1880 na Venraay, Limburg.

El a ricibi **Orden Sacerdotal** 15 di Augustus di 1905.

Dia 16 di Mei di 1909 el a bini **Curaçao**.

El a ser nombra **Vicario Apostolico** di Curaçao dia 13 di November di 1931 i ordena **Obispo** di 6 di Januari di 1932.

Riba e mes dia Pastoor di misa di Santa Anna, e tan conoci i stima **Pader Martinus van den Elsen O.P.** a celebra su 40 anja di bida sacerdotal.

E Tata di Parochia aki tambe a ricibi **Orden Sacerdotal** dia 15 di Augustus di 1905.

Dia 5 di November di e mes anja el a jega Curaçao, asina ta cu casi tur e 40 anja aki el a pasa meimei di nos.

E tabata na Bonaire na anja 1907 i St. Eustatius na 1908.

T'e a percura pa drechamento di misa di Santa Anna.

Pastoor van den Elsen a comparti nos devocion pa **Santa Filomena** cu asina ardor cu cada anja t'e personalmente mester tene e novena.

Dios duna Reverendo Pader van den Elsen hopi anja mas di bida p'e por dedic'e na bienestar di nos Curaçao.

FIESTA DI SANTO DOMINGO.

Dia 16 di Augustus colonia Dominicano a celebra e di 83 aniversario di **restauracion politico**.

Fiesta a cuminza cu un Misa Solemn den misa di Pietermaai, sigi pa un cena na Verzenbaai i otro fiesta anochi na Club Quisqueya.

Na Consul di Sto. Domingo, Señor **Espinal**, digno representante di President Trujillo, i demas Dominicanonan nos pabien.

— : —

SOEURNAN DI SCHIJNDEL.

Soeurnan di Santa Rosa a recorda dia 12 di Augustus e feliz dia cu 25 anja pasa nan a jega Curaçao.

Hopi trabao util nan a haci durante e 25 anjanan aki pa cual pueblo ta masha agradecido.

Ta p'esei casi tur hende a asisti na e Misa Solemn i na e reception cu a sigi esaki riba es dia.

Dios duna Soeurnan di Schijn-
del forza pa sigi cu nan trabao humanitario.

Deporte

TENNIS.

Señor H. A. Rudolph a sali campeón di singel den departamento di homber i Señora v.d. Swan den esun di muher durante e weganan di tennis pa campeonato di Curaçao.

Sin descredita victoria di Señor Rudolph nos mester observa cu wega di tennis a bai atras na Curaçao.

Rudolph ta hunga bon aunque no espectacular. E tin un wega

constante sin variacion cu ta constiti di bolbe tur bala tanto riba fore- i backhand. Su volleymento no ta di gaba i serve ta masha zwak.

Awor nos no por a juzga su capacidad maximo de bolbe bala como ningun di su adversarionan por a forz'e tur sin excepcion tabata for di training.

Weganan basta bon tabata esun di Norman Chumaceiro — I. Regales i Rudolph — O. Salas.

Pero ningun di e weganan aki por a ser compra cu esunnan cu nos a presencia durante anjanan 1934, 1935, 1936 i 1939, anjanan cu calidad di wega di tennis tabata masha alto.

UNI BO DEN FILA DI NOS CLIENTENAN

Pasobra na 

Bo ta hanja bo flus
BON COSÈ

Corda cu nos tin
tela di Dril, Palm
beach, Casimir
na hopi pinto



SASTRERIA ISENIA
BREDESTRAAT (O) 56 TEL. 1177

Por ehemplo e calidad di tennis cu Norman Chumaceiro, Horazio Hoyer, O. Salas i Alex Jesurun a presta contra e Caraqueñonan Leo Marquez i Roberto Diaz.

Hasta e anjanan anterior pa campeonato di Curaçao Luitenant Henry i Kapitein Smith a duna masha bon wega.

I no mucho tempo pasa nos por a goza di e estilo i calidad di tennis cu Señoritanan Pauline

Betz i Dorothy Bundy a brinda nos.

Ta di spera cu tur amante di tennis lo realiza cu nan ta for di training i cu nan lo practica cu e entusiasmo di antes pa hiba tennis mas adilanti a lo menos na e pìjl di antes.

N.L.T.B. ta den poder di por organiza competencianan interclub. Tambe N.L.T.B. mester invita tennistanan extranjero pa e localnan por compara nan wega i mira kiko nan ta falta.

JULIANA AERATED WATER Co.

PENSTRAAT 62

TELEFOON 1616

ENCARCA BO LIMONADA A SODA
PUROE Y TAMBE E FAMOSO
SPIFFY COLA Cerca nos.

Pa dianan di Fiesta di Primera Santa Comunion. Servicio rapido.

HECTOR HENRIQUEZ B.



Breedestraat 124 A-B Otrabanda

A caba di hanja algun juego pa

SALA

COMIEDOR

KAMBIER

Tin pa e gusto di mas caprichoso i prijs conveniente

L. I. PIETERS

Tel. 1657

Nota Social

CUMPLEAÑOS DURANTE JULI.

Dia 5 a celebra su cumpleaños Señorita Bertha Martina.
Ad multos annos.

—:—

Señora Rosa de Castro de Cras a cumpli anja dia 17 i riba e mes dia e jovencito Stanley Martina.
Nos felicitacion.

—:—

Señorita Adelfa Willems a recorda e dia feliz di su natalicio dia 20.
Many happy returns.

—:—

A cumpli anja dia 23 Señorita Gloria Zelfrin.
Nos pabien.

—:—

Dia 31 a cumpli anja Señorita Lelia Lauffeur.
Felicidad.

CUMPLEAÑOS DURANTE AUGUSTUS.

Señorita Edith Martina a celebra dia di su natalicio dia 1 riba e mes dia Señorita Emita van Aanholt.

Ad multos annos.

—:—

Dia 5 a recorda dia di su natalicio Señorita Maria Louise Goilo.
Felicidad.

—:—

E Jovencito Jaime Bethencourt a haci anja dia 8.
Nos pabien.

—:—

Señor Frank Pietersz, kende actualmente ta na Maracaibo, a cumpli anja dia 13.
Many happy returns.

—:—

A cumpli anja dia 14 Señor Julio Davelaar.
Nos pabien.

—:—

Dia 30 a celebra su cumpleaños Señorita Rosa Ivy de Pool.
Felicidad.

Awor cu gera a caba
PRONTO lo por spera



IRIE



THE MARK
OF QUALITY
AND SYMBOL
OF SERVICE

Corda cu serca nos por hanja :

CALIDAD

DURABILIDAD

Y SERVICIO

A. D. Capriles & Co.

Oranjestraat 68

Tel. 2040

Cumpleaños durante October

A cumpli anja dia 1 Señora Angela de Profeet.

Many happy returns Baby.

—:—

A recorda fecha di su natalicio dia 2 e chikita Lucrecia Jansen i riba e mes dia Señor Ricardo Bethencourt.

Hopi anja mas di bida nos ta desea nan.

—:—

Compromiso matrimonial

Señor Benjamin Jesurun i Señorita Laura P. van Kwartel a contrae compromiso matrimonial dia 26 di September.

Cu pronto nan deseo ser realiza ta nos deseo.

—:—

Aniversario di bodas.

Dia 15 di September Sergeant-majoor Johannes Wauben i su Señora Carmen Haseth de Wauben a cumpli 25 anja di bida conjugal.

Na majoor i Señora Wauben i nan jiunan, Wim, Bertha, Eligia, Angela, Henry, Johannes i Karel nos pabien.

Cu un recepcion di gala Señor Salomon P. Cardoze i Señora Rosa Boom de Cardoze a celebra nan 25 anja di bida conju-

gal dia 22 di September.

Entre jiunan e invitadonan cu a haci uso di palabra nos no por keda sin menciona Señor Siro J. Cardoze pa su bunita discurso.

Na Morris, Elynor, Salomon Jr., Julia, Ronald i Carroll i e pareha feliz nos pabien.

Recien naci.

Hogar di Maximiliano Pietersz i Señora a ser alegre dia 20 di Juli cu nacimiento di 2 jiu na cual nan a duna e nombenan di: Enid Filomena i Edith Margarita.

Na e tata i mama feliz nos pabien.

A muri.

Despues di un corto enfermedad a muri dia 24 di September e conocido Alfred G. (Shon) Santiago.

For di mucha Shon tabata traha na imprenta di Vicariato ocupando su mes cu drukmento di „La Union” i „Amigoe di Curaçao”.

Morto a tuma Shon na un edad hoben i nos ta sinti falta di su persona simpatico masha tanto.

▲ 1915 ▲

Ta number di telefon di
ICE CREAM CAPRILES

Nos tin un bon servicio di
entrega na cas especial pa
FIESTA

Nos por entrega **ICE CREAM**
di
KOFFIE MAPLE
VANILLA CHOCOLATE
y **STRAWBERRY**

JAMES G. CAPRILES

Penstraat 66 Telefon 1915

Rosario

(Continuacion)

Pero Jane a ocupa su puesto na e piano atrobe sin corda riba su audiencia. E tabata sinti un sensacion masha stranjo. Nunca antes el a obedece un orden positivo. Tempo cu e tabata mucha e jaja Aleman i Señorita Jebb, e gouvernante Ingles a ripara un vez cu loque nan tabata kier pa Jane haci mester a ser pidi amistosamente. Si nan a jega na pidi un cos irrazonable of sin duna un explicacion ta pakiko un vez i positivamente nan tabata ricibi un rechazo. I e karakter singular aki a sigi existi, aunque un poco modera i hasta e duquesa tabata pidi jane „haci mi un favor” ora cu e tin cu pidi Jane haci un cos.

I awor e hoben cu cara palido i wowonan brillando a cohe na su man sin ningun compromiso i a orden'e de bai sinta atrobe i di canta e cantica un vez mas esta palabra pa palabra i noot pa noot mescos cu el a caba di haci i el a obedece pasivamente.

Na e momento cu el a cai sinta dilanti di e piano el a dicidi di no canta „Rosario” pa di dos biaha. E tabatin hopi canto mas bunita den su repertorio. Pa es mitobo e publico tabata spera un otro cantica. Pakiko e mester decepciona su publico pa e obedece un hoben exita.

El a cuminza e bunita introduccion di e aria di Handel for di Xerxes pero tocando su sentimiento di derecho a logra na domina. E no a bai riba escenario atrobe pa obedece un hoben exita pero pa un homber sumamente bao di emocion. Cu Garth Paimain tabata asina tanto emocion cu el a lubida su urbanidad di natura tabata e aprecio di mas grandi pa su cantica. Tocando e tabata sinti, aunque sin comprende pakiko, cu e mester a obedecer na „bo mester. I ora cu e introduccion a caba el a warda un poco i en vez di canta e aria el a cuminza canta „Rosario” atrobe, esta loque Gartha a caba di pidi'e urgentemente.

Ora cu Jane a baha for di escenario Garth tabata para ainda sin por move na e trapi. Ainda su cara tabata mes palido pero expresion den su wowo a cambia. Tabatin un brillo singular den su wowo, un brillo di adoracion pa cual motibo Jane a sinti

un emocion masha grandi. El a sonrei bahando e trapi i di ri-
piente, demostrando su amistad, el a afrec'e tur su dos mannan.
Garth a tuma nan den esunan di dje. Durante un seconde el a
keda sin por papia un palabra. Despues el a bisa cu un stem jen
di emocion: „ Mi Dios O, mi Dios.”

„Keda keto”, Jane a bisa , „mi no ta gusta pa un hende menta
es nomber sin seriedad, Dal.”

„Sin seriedad? el a exclama. „ Mi no por haci otro cos cu pa-
pia serio. Tur don perfecto ta bini for di arriba. Oro cu mi ta ca-
rece di palabra pa papia di e don, por ta stranje. bo cu mi ta
menta e Dunador?”

Jane a keda mir'e den su wowonan cu tabata brilla i un bril-
lo di place a bini den esunan di dje. „Anto bo a hanja mi can-
tica bunita.” el a bisa.

„Bo cantica bunita?” Garth a ripiti, mientras den su cara a
bini un expresion incomprendible, „mi no sabi cu mi ta hanja
bo canto bunita.”

„Pakiko e exclamacion pa flateer mi anto?” Jane a puntra ha-
riendo.”

„Pasobra,” Garth a bisa poco poco, „bo a kita e cortina i bo
a larga mi drenta.”

Ainda e tabatin su mannan tene. Ora cu el a caba di bisa e
ultimo palabronan, el a bira su mannan i el a sunchi den nan
cu revenencia. Awor e ta larga nan bai, kita un banda i Jane
sol a bai na e terraza.

(e ta sigi)



H A S P I E I L

ta e marca di flus cu a caba di jega na

L. C. A

Tambe bo por hanja articulo pa regalo:
pa homber, muher, y mucha.



N.B.

Pasa mira un surtido di cos di
glas cu a jega pasobra nan
CALIDAD ta bon y cantidad ta poco.

L A CASA

AMARILLA

Breedestraat No. 1212



U.M.A

CIGARILLA

CHESTERFIELD

mas suave i ta smaak mehor
pasobra nan ta traha di e
mehor tabaconan di mundo

NAN TA

SATISFACE

DISTRIBUIDOR MORRIS E. CURIEL & SONS N.V.

Tijdschrift.

GYDELCRA; Revista social y deportiva. Publica pa
Handelsonderneming Gydeleva. Anja 1. no 9 / October 1945
"Justicia a vence".

Dedicacion na 3 Heroe di Guerra: Maduro / Debrot y
Ecury (p. 17 - 20).

gotten 2014
7.6.2014
di 11/13.